

明·方賢撰

太醫院經驗奇效良方

(一)

新文豐出版公司印行

王國水像



王國水

出版說明

醫也仁術，其言五運六氣，所以除疾疢而保性命，醫書之流傳，益可恢宏其仁，是乃利物濟民之寶也。而天地之間，固粗糙易得，精緻難求；自古而今，醫家之書不知凡幾，其精者鮮矣，字句差之毫釐，湯藥小小不達，則後人受弊之深，豈惟千里計哉？故本公司一向殫力於此，不敢稍忽，已精心發行之中醫名著達數百種，並皆少見之珍本，嘉惠杏林，良有以也。

此次由香港陳純仁中醫師大力推薦，提供精選故宮珍藏之古代善本醫書書目，承國立故宮博物院惠借影印刊行，凡三十四種，計精裝五十二冊。搜羅繁富，上自炎昊，下逮里巷，且板本皆為罕見不傳之秘本、善本，年代蓋不出唐宋元明。要能會其真意，斟酌臨時，期於賢哲着宿有所助益，而醫道可望光大，斯為天下之大幸焉。

又 本系列珍本醫書之出版流播，特承國立故宮博物院惠助，謹此


致謝

新文豐出版公司 謹啓


中華民國七十六年十月

太醫院奇效良方凡六十九卷，元方賢撰，楊文翰校正，明正德六年劉氏日新堂刊本，缺卷四至八、卷四三至五一及卷六三，存五十四卷。

方賢博采古書所載及世所未傳與經驗之方，復續董宿所輯，同御醫楊文翰訂正，共爲一書。總六十九卷，凡六十五門，計方約六千有奇。各門首發以議論，次繫以諸方，并述主治證類。一覽而陰陽、表裏、虛實及經絡脈證之故，與夫可攻可養，先後疾徐，節次指掌皆在。則凡天下之爲正典訓科，以及業醫者獲之，即能見方識證，見證得藥，自無問津之惑矣。



奇效良方序



與仙鶴屋

醫之方何始乎上古聖神繼天
保民而素問本草之書作方其
昉於此乎素問論病之因本草
著藥之性合是二者而醫之方
出矣然則二書其學之源乎譬
之規矩準繩為方圓平直者亦

取法於此而已耳厥後秦和六
氣之論明此者也越人難經之
述述此者也仲景金匱諸方推
而廣之者也思邈千金備急觸
類而長之者也其他如脈訣如
病源如和劑聖惠如秘要直指
與夫經驗集驗之殊其名得效

神效之異其目簡帙浩繁不可
殫紀貯之足以充棟載之至於
汗牛醫之方不亦博矣乎我
朝醫藥有專官方脉有專科治
療有全效

列聖仁民之心即古聖神之心也
乃者太醫院判方賢以醫書一

集見示曰此前院使董宿所輯
賢續而成之者董慮方書太泛
欲斟酌損益約之於中顧其書
未備賢竊惜之間得御醫楊文
翰相與重加訂正刪繁舉要慎
於去取總六十餘類凡若干卷
名曰竒效良方將繡諸梓以上

裨

聖覽下與四方君子共之願為之
序予惟醫者意也如對敵之將
操舟之工貴臨機應變方固難
於盡用然非方則古人之法弗
傳茫如望洋如捕風必有率意
而失之者矣方果可以弗用乎

是宜董輯之而製成之擇之愈
精守之愈約而用之愈效其有
功於醫學大矣雖然方固良矣
有志之士必熟之素問以求其
本熟之本草以究其用熟之診
視以察其證熟之治療以通其
變始於用方而終於無俟於

方夫然後醫之道成矣昔許胤
宗謂我善讀仲景書而知其意
然未嘗專用其方誠名言哉予
故誦之以為檢方用藥者之勸
成化六年庚寅冬十一月長至
日資善大夫兵部尚書兼翰林
院學士知

制誥

經筵官淳安商輅序

奇効良方序

聖朝於醫內設院使院判主掌其事外設正典訓科分理之蓋倣成周委任醫正諸士美意也仁民之心何其至哉嘗考成周醫正掌養萬民疾病每歲終以諸士所書制其祿然其教令蓋以

五聲五氣五色求察其劇易以
九竅九藏冬兩其變動以五味
五穀五藥五毒攻其羸養其不
足故當時民生咸樂於壽考之
天者實於醫有賴焉凡茲數術
皆始於古聖賢所審用著於書
以詒末世如攻養之術始於神

農子儀求察之術始扁鵲倉公參
兩之術始於秦和厥後聞人達士
往往能袒述之制為方訣者非一
但世之業醫者有生長遠方僻邑
或無師友講明或無古書稽究粗
知方脈一二輒懵然赴人之求故
人不死於病而死於藥石之誤者

比比也。此院判方賢惓惓於是書之編也。歟。聞諸賢自陞今官以來，恒慮無以仰副

朝廷委任也。乃博采古書所載及世所未傳，與嘗試用有效者，悉手錄之。復取前院使董宿所輯同御醫楊文翰訂正之，共為一

書將具表進

呈鑿木傳世觀其書總六十有九
卷凡六十有四門門各首發以
論次繫以方一覽而陰陽表裏
虛實及經絡脉證之故與夫可
攻可養先後疾徐節次指掌皆
在則凡天下之為正典訓科以